

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Gjornalizmi mjet edukimit	Faq. 209
2. Të pertrimit e rregullimit shoqner	„ 214
3. Nji fletë e ré në historín kombtare	„ 219
4. Fragment — Drita (<i>vjerrshë</i>)	„ 222
5. Fisi i Dushmanit	„ 226
6. Eksportimet e lira të Japonit	„ 233
7. Vrejtje mbas vrejtesh...	„ 236
8. „Shqypnija e Shqypetarvet e qeverija e perkohshme“	„ 245
9. Urtí e burrní nder banorë të Cemít	„ 255
10. Quo Vadis...? — Pj. II. — 7	„ 49

*Drejtimi mban tagrin mbi çdo artikull, qi boto-
het në ket të Perkohshme, tue ndalue njiferit edhe çdo
rishitypje a perkëthim.*

Gjornalizmi mjet edukimit

Të mujte, nji herë të vetme, me qitë kryet prej vorrit Gutenbergu per me pá si shkon puna e shtypit qi aj dikur gjet, kishte me metë pa mend. Nuk kishte me e xânë besë se aj me mende të veten krijoi nji gjâ kaq të bindshme e kaq të madhnueshme. Tuj ulë veç kryet me pushue persí n' at vendin e perparshem, me krení mund do të thote: boten e sunduekam vetë!

Pernjimend shtypi i perditshem sundon boten.

Nji shtet sado i fórt me kênë, pa tē nuk mundet me qindrue. Çdo send çdo ideal a plan a projekt me randsí, qi në fillim, para se të realixohet, nuk duket nder shtyllat e tija, âsht i gjikuem me marue. Edhe nieri qi nuk merret me tē, në shoqni dán porsi njani qi mbas disá vjetve kthen prej vetmijet. Pse gjëndja shoqnore, problemet e jetës, shka mendon nierzimi, shka ndiejn zêmrat e tyne, krejt shpirti nierzuer gjindet nder rreshtat e fletoreve qi dalin per ditë.

Prandej ndeshen gjithkund gazetata, e nder kafe e nder hotele e nder rruga e nder shpija, sa herë te kryet per me ndiellë gjûmin me to. E i lexon seicilli: diplomati, per me njoftë relacjonet e shteteve me shtete; letrari, per me pá si nierzimi zhvillon mendimet e veta; sportisti, per me dijtë si mund të forcohet muskulatura neper ushtrime gimnastike; juristi, per me vû oroe proçesin e akteve çivile; industrial, per me i vû shêj tregut botnuer.

Gazeta kalon neper dorë të gjithkujë, si të nierzve me dorca si t' atyne qi doren e kan të gerdhishtun prej punet. Âsht ushqimi shpirtnuer i popujve. Gadi gadi i a ká xânë frymen librit: si landa e madhe landës mâ së vogel per brî; por edhe i ká viejtë, pse i ká dhânë serjozitetin qi i perket.

